

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-12599/25
Zenica, 04.06.2025. godine

Na osnovu člana 15. stav (1) tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), a u vezi s članom 34. tačka 6) Statuta Grada Zenica ("Službene novine Grada Zenica", broj: 5/15) Gradonačelnik Grada Zenica, objavljuje

**Poništenje Oglasa za izbor i imenovanje Upravnog odbora
Javne ustanove Muzej grada Zenice**

Poništava se tačka 2. Oglasa za izbor i imenovanje članova upravnih odbora javnih ustanova Gradska biblioteka Zenica i Muzej grada Zenice broj: 02-45-9306/25 od 21.04.2025. godine objavljen 25.04.2025. godine u „Službenim novinama Federacije BiH“, broj: 31/25, u dnevnom listu „Oslobođenje“ i na web stranici Grada Zenica.

Oglas se poništava na osnovu Odluke Gradonačelnika Grada Zenica broj: 02-45-12597/25 od 04.06.2025. godine.

Kandidati koji su predali svoje prijave na navedeni Oglas iste mogu preuzeti u prostorijama Gradske uprave Grada Zenica, sprat I, kancelarija br. 102, Trg BiH br.6, Zenica, svakim radnim danom od 07:30-16:00 sati, uz prethodnu telefonsku najavu na broj telefona: 032-447-751.

Imajući u vidu naprijed navedeno, Gradonačelnik Grada Zenica će u postupku izbora i imenovanja Upravnog odbora Javne ustanove Muzej grada Zenice ponovno objaviti javni oglas.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-12599/25-1
Zenica, 04.06.2025. godine

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), Odluke o standardima i kriterijima za imenovanja na upražnjene pozicije u reguliranim organima Grada Zenica ("Službene novine Grada Zenica", broj: 5/25), a u vezi sa odredbama Uredbe sa zakonskom snagom o ustanovama („Službeni list Republike BiH“, broj: 6/92, 8/93 i 13/94), te Pravila Javne ustanove Muzej grada Zenice broj: 233/18, u postupku izbora i imenovanja Upravnog odbora Javne ustanove Muzej grada Zenice, Gradonačelnik Grada Zenica objavljuje

O G L A S

za izbor i imenovanje Upravnog odbora Javne ustanove Muzej grada Zenice

Objavljuje se Oglas za izbor i imenovanje Upravnog odbora Javne ustanove Muzej grada Zenice. Upravni odbor sastoji se od tri člana, od kojih se jedan član imenuje iz reda stručnih radnika zaposlenih u Ustanovi. Mandat članova upravnih odbora je u trajanju od četiri (4) godine.

I OPIS POZICIJE

Upravni odbor ima sljedeće nadležnosti: donosi pravila ustanove; imenuje i razrješava direktora; utvrđuje godišnji program rada, planove rada i razvoja; donosi finansijski plan i usvaja godišnji obračun; donosi opći akt o unutrašnjoj organizaciji i sistematizaciji poslova, te druge opće akte u skladu sa zakonom i pravilima ustanove; odlučuje o svim pitanjima obavljanja djelatnosti radi koji je ustanova osnovana, ako zakonom nije određeno da o određenim pitanjima odlučuje drugi organ ustanove; usmjerava, kontroliše i ocjenjuje rad direktora; rješava sva pitanja odnosa sa osnivačem; odlučuje o korištenju sredstava preko iznosa utvrđenog pravilima ustanove; odgovara osnivaču za rezultate rada ustanove; odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa; podnosi osnivaču najmanje jedanput godišnje izvještaj o poslovanju ustanove; vrši i druge poslove u skladu sa zakonom i pravilima ustanove.

Kandidati za imenovanje moraju ispunjavati:

- opće i
- posebne uslove.

II Opći uslovi za imenovanje su:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja upražnjenje pozicije,
4. da se na kandidata ne odnosi član IX.1. Ustava Bosne i Hercegovine,

5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
6. da nije izabrani dužnosnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine,
7. da nema privatni i/ili finansijski interes u reguliranom organu u čiji upravni odbor se kandiduje,
8. da istovremeno nije član nadzornog ili upravnog odbora ili odbora za reviziju ili skupštine, uprave ili menadžmenta, niti u svojstvu ovlaštene osobe drugog privrednog društva ili institucije ili agencije,
9. da nije direktor ustanove,
10. da nije osuđivan za krivično djelo i za prekršaj nespojiv sa dužnošću u reguliranom organu u čiji upravni odbor se kandiduje, pet godina od dana pravosnažnosti presude, isključujući vrijeme zatvorske kazne,
11. da nije lice kojem je presudom suda zabranjeno obavljanje aktivnosti u nadležnosti reguliranog organa u čiji upravni odbor se kandiduje.

III Posebni uslovi za imenovanje:

1. VSS - VII stepen stručne spreme, ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
2. najmanje 5 godina radnog iskustva nakon sticanja visoke stručne spreme,
3. da posjeduje stručno znanje iz oblasti rada i organizacije javnih ustanova i/ili institucija,
4. da posjeduje komunikacijske i organizacijske sposobnosti,
5. da posjeduje sposobnost da savjesno i odgovorno obavlja poslove iz nadležnosti upravnog odbora javne ustanove u koji se imenuje,
6. da posjeduje sposobnost nepristrasnog donošenja odluka i
7. da posjeduje rezultate ostvarene tokom poslovne karijere relevantne za obavljanje dužnosti upražnjene pozicije.

IV Potrebni dokumenti:

Uz svojeručno potpisanu prijavu kandidati trebaju dostaviti:

1. kraću biografiju sa adresom i kontakt telefonom,
2. diplomu o završenom obrazovanju,
3. dokaz o traženom radnom iskustvu nakon sticanja tražene stručne spreme (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
4. uvjerenje o državljanstvu (ne starije od 6 mjeseci),
5. izjavu kandidata ovjerenu od strane nadležnog organa o činjenicama nabrojanim u tačkama 3. do 9. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost općih uslova za imenovanje iz tačke 10. i 11., odgovorni javni službenik će zatražiti od kandidata koji budu predloženi za konačno imenovanje, i ista su dužni dostaviti u roku od 5 dana od dana izbora. Uvjerenja ne mogu biti starija od datuma objavljivanja Oglasa.

Dokumenti koji se prilažu uz prijavu moraju biti originali ili ovjerene kopije.

Kandidati koji se prijavljuju iz reda stručnih radnika zaposlenih u Ustanovi obavezni su isto naznačiti u prijavi i na koverti.

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu održavanja intervjua.

Prijave sa potrebnom dokumentacijom treba dostaviti lično na protokol Grada Zenica ili preporučeno poštom sa naznakom:

**„Prijava na Oglas za izbor i imenovanje Upravnog odbora
Javne ustanove Muzej grada Zenice
- NE OTVARATI“
GRAD ZENICA
Služba kabineta Gradonačelnika
- Komisija za izbor -
Trg Bosne i Hercegovine br. 6
72 000 Zenica**

**GRADONAČELNIK
Fuad Kasumović**